



EU4Agri

Podrška Evropske unije
konkurentnosti poljoprivrede
i ruralnom razvoju u
Bosni i Hercegovini

Javni poziv za mjeru podrške investicijama u primarnu poljoprivrednu proizvodnju



U okviru projekta EU4AGRI, koji finansira Evropska unija, objavljen je Javni poziv za mjeru podrške investicijama u primarnu poljoprivrednu proizvodnju, vrijedan 3,5 miliona KM. Kroz ovaj Javni poziv Evropska unija će podržati poljoprivredna gazdinstva koja doprinose stabilizaciji/jaćanju proizvodne konkurentnosti i povećanju nivoa produktivnosti primarne poljoprivredne proizvodnje kroz modernizaciju i uvođenje novih tehnologija i inovacija, unapređenje kvaliteta proizvoda, higijene i sigurnosti hrane, promovisanje dobrih poslovnih praksi i održivog razvoja putem poboljšanja upravljanja prirodnim resursima, zaštite okoliša, radnika i sigurnosti hrane, te doprinose ublažavanju posljedica nastalih uslijed pandemije COVID-19.

Sredstva podrške po jednoj prijavi mogu iznositi od 15.000 KM do 300.000 KM. Za svaki projekat podnosilac prijave mora osigurati vlastito sufinansiranje u iznosu od minimalno 35% ukupnog iznosa prihvatljivih troškova predložene investicije, izuzev za sektor proizvodnje voća i povrća, gdje vlastito sufinansiranje iznosi minimalno 30%. Prihvatljivi podnosioci prijave za dodjelu bespovratnih sredstava u okviru mjere podrške mogu biti obrti/samostalni preduzetnici, zadruge i preduzeća, a prihvatljivi projekti oni koji se odnose isključivo na poljoprivredne sektore kao što su: proizvodnja mlijeka, mesa, uzgoj žitarica i uljarica, uzgoj voća, uključujući vinogradarstvo i masline, uzgoj povrća, proizvodnja sadnog materijala (sadnice voća, presadnice povrća i sjemenski krompir), proizvodnja jaja, uzgoj ribe, uzgoj začinskog bilja, ljekobilja, i gljiva, kao i proizvodnja meda.

Krajnji rok za podnošenje prijave je **31. januar 2023. godine do 15:00 sati**.

Za potrebe pripreme prijave dostupan je dokument [Smjernice za podnosiocima prijave](#), u kojem se nalaze informacije o kriterijima javnog poziva, načinu popunjavanja i dostave prijave, kao i prateća dokumentacija za prijavu na javni poziv:

[1a – Poslovni plan, narativ](#)

[1b – Složeni poslovni plan](#)

[1c – Projektni prijedlog, narativ](#)

[1d – Projektni prijedlog](#)

[2 – Pismo namjere o sufinansiranju](#)

[3 – UN globalni principi](#)

[4 – Izjava o povezanim licima](#)

[5 – Referentne liste prinosa](#)

Prijave se podnose isključivo putem elektronskog sistema: <https://javnipoziv.undp.ba/>

Dostavljanje prijave u bilo kojem drugom formatu (e-mail, pošta, fax i sl.) **nije prihvatljivo i prijave dostavljene na taj način neće biti uzete u razmatranje.**

Svi zainteresirani mogu pristupiti Javnom pozivu putem sljedećeg linka:

<https://eu4agri.ba/calls/javni-poziv-za-mjeru-podrske-investicijama-u-primarnu-poljoprivrednu-proizvodnju/>

Dodatna pitanja u vezi ovog poziva se mogu dostaviti putem formulara za pitanja na web stranici projekta <https://javnipoziv.undp.ba/>, u periodu **od 24.11.2022. do 23.01.2023. godine.**

EU4AGRI je četverogodišnji (2020-2024) projekat Evropske unije vrijedan 20.25 miliona eura čiji je cilj modernizacija poljoprivredno-prehrambenog sektora u Bosni i Hercegovini. Projekat provode i sufinansiraju Razvojni program Ujedinjenih nacija (UNDP) u BiH i Češka razvojna agencija (CzDA).